

आकाशवाणी

1. प्रधानमंत्री नरेन्द्र मोदी होंरें आखेआ ऐ जे लोकसभा च महिलाएं लेई आहन्ने गेदे आरक्षण सरबन्धी बिल गी रोकिये बरोधी धड़े ने महिलाएं दे सुक्खनें गी मिंदने दा कम्म कीता ऐ।
2. पच्छिम बंगाल विधानसभा चुनांस थमां पैहले, चुनांस आयोग ने मतदाता पंजीकरण दे नमें आंकड़े जारी कीते न।
3. केंद्री कृशि ते करसान कल्याण मंत्री शिवराज सिंह चौहान होंरें कृशि खेतर दी मजूदा स्थिति ते ओंदी खरीफ रूतै दिएं तैयारियें गी लेइयें इक उच्ची सतह दी समीक्षा बैठक कीती।
4. उपराष्ट्रपति सी. पी. राधाकृष्णन अज्जै थमां द'उं दिनें दी सरकारी जातरा पर कोलंबो पुज्जा करदे न। एह जातरा कुसै भारती उपराष्ट्रपति दी इस ापु मुख्य दी पैहली दपक्खी जातरा ऐ।
5. ईरान ने आखेआ ऐ जे जिसलै धोड़ी ईरानी बंदरगाहें थमां अमरीकी नाकेबंदी नेई हऱाई जंदी, तदुं धोड़ी होर्मुज जलऱमरूमध्य बंद रौहग।
6. आईपीएल क्रिकेऱ च, सनराइजर्स हैदराबाद ने कल रातीं चेन्नई सुपर किंग्स गी 10 रन्जें कन्ने हराई दिता।

New-Voters

पच्छिम बंगाल विधानसभा चुनांस थमां पैहले, चुनांस आयोग ने मतदाता पंजीकरण दे नमें आंकड़े जारी कीते न। मसौदा सूची प्रकाशित होने थमां लेइयै नामांकन बंद होने तगर, तकरीबन 5 लख नमें मतदाताएं गी मतदाता सूची च शामिल कीता गोआ ऐ। अधिकारियें दस्सेआ ऐ जे फॉर्म-6 दे माध्यम कन्नै तकरीबन 7 लख आवेदन दाखल कीते गे हे ते तसदीक दे बाद, योग्य नाएं गी सूची च जोड़ी दिता गोआ ऐ। 28 फरवरी गी जारी अखीरली सूची च इक लख 88 जहार 207 नमें मतदाता शामिल कीते गे न। एहदे परैन्त अगले म्हीने, 5 लख नांस होर जोड़े गे। जिला स्तरी आंकड़ें थमां पता लगदा ऐ जे सबनें शा मता बाद्दा उत्तर 24 परगना, हावड़ा, हुगली, कोलकाता ते पूर्वी मिदनापुर जिलें च दिक्खी गेइ। इक्कले उत्तर 24 परगना च 71 जहार शा मते नमें मतदाता दर्ज कीते गे, जिसलै के कोलकाता च तकरीबन 44 जहार नमें मतदाता जोड़े गे। हालांकि आयोग दे आंकड़ें मूजब महिला मतदाताएं दी गिनतरी च गिरावण आई ऐ। मजूदा समें च, पच्छिम बंगाल च कुल 6 करोड़ 82 लख 51 जहार 8 मतदाता न। इंदे च 3 करोड़ 49 लख शा मते मर्द, 3 करोड़ 33 लख शा मती महिलां ते 1 जहार 257 थार-जेंर मतदाता शामिल न। आयोग दे सूत्रें दा आखना ऐ जे न्यायसधिकरण च बकाया पेदे मामलें दे नबेड़े दे बाद एह गिनतरी होर बधी सकदी ऐ।

<><><><><><>

WB-Campaign

प्रधानमंत्री ते बीजेपी दे वरिष्ठ नेता नरेंद्र मोदी अज्ज पच्छिम बंगाल च पार्टी दे मेदवारें लेई प्रचार करडन। पार्टी सूत्रें दे मताबक, ओह् दिनै 11 बजे बरजोरा च रैलियें गी संबोधित करडन, ओह्दे परैन्त दैपहरी 12 बजे पुरुलिया ते झारग्राम च ते फही दपैही बाद पच्छिम मिदनापुर च रैलियें अग्गे भाषण देंडन। केंद्री सेहत मंत्री जगत प्रकाश नड्डा बी प्रचार अभियान च शामिल होडन। ओह् कूचबिहार दे शीतलकुची च इक जनसभा करडन ते दपैहरी'लै जलपाईगुड़ी च इक रोड शो च हिस्सा लैडन। तोआई, रक्षा मंत्री राजनाथ सिंह कोलकाता पुज्जी गेदे न। ओह् बीजेपी मेदवारें दे समर्थन च बीरभूम च रैलियें ते रोड शो च शामिल होडन। बीजेपी दे राष्ट्री अध्यक्ष नितिन नबीन अज्ज दपैही बालुरघाट च इक रोड शो दी अगुवाई करडन। एह्दे परैन्त ओह् मालदा च इक जनसभा गी संबोधित करडन। ओह् संझा लै कोलकाता पुज्जडन ते ओह् कल पूर्वी मिदनापुर च केई कार्यक्रमें च हिस्सा लैडन।

<><><><><><>

WB Mamta Campaign

तोआई पश्चिम बंगाल च तृणमूल कांग्रेस दी नेता ममता बनर्जी बी अज्ज चुनांस प्रचार च व्यस्त रौहडन। ओह् अज्ज दपैही पार्टी मेदवार रामेंदु सिंह राँय हुं'दे समर्थन च तारकेश्वर विधानसभा खेतर च रैली करडन। मगरा ओह् देबप्रसाद

बाग लेई कालना ते सिद्दीकुल्ला चौधरी लेई मॉपेस्वर च प्रचार अभियान च शामिल होडन। पापी मेदवार खोकन दास हुंदे लेई बर्धमान दक्खन च इक चुनावी मार्च दे कन्नै उंदा अज्जै दा प्रचार अभियान समाप्त होई जाहग।

<><><><><><>

Shivran Kharif Season

केंद्री कृशि ते करसान कल्याण मंत्री शिवराज सिंह चौहान होरें कृशि खेतर दी मजूदा स्थिति ते ओंदी खरीफ रूतै दिएं तैयारियें गी लेइयै इक उच्ची सतह दी समीक्षा बैठक कीती। बैठक दे दरान मंत्री होरें करसाने दे कल्याण गी सबने शा उच्ची प्राथमिकता करार दिंदे होई आखेआ जे सरकार अल-नीनो दे संभावित असर कन्नै निब्बड़ने लेई पूरी चाल्ली तैयार ऐ। उंने कृशि सचिव ते सरबंध्यत वरिष्ठ अधिकारियें गी करसाने दे हितें दी राक्खी लेई सब्बै जरूरी बवस्थां अगेत्रे गै करी रक्खने दा निर्देश जारी कीता ऐ।

<><><><><><>

VP SL Visit

उपराष्ट्रपति सी. पी. राधाकृष्णन अज्जै थमां द'उं दिनें दी सरकारी जातरा पर कोलंबो पुज्जा करदे न। एह जातरा कुसै भारती उपराष्ट्रपति दी इस ापु मुख्य दी पैहली दपक्खी जातरा ऐ। एह जातरा दौने गोआंपी मुख्यें बश्कार सरबंध्यें गी होर मजबूत करने दा कम्म करग। अपने इस दौरे दरान ओह श्रीलंका दे राष्ट्रपति अनुरा कुमारा दिशानायके हुंदे कन्नै मलापी करडन ते उंदा प्रधानमंत्री

हरिनी अमरासूर्या हुं'दे कन्नै गल्लबात करने दा बी कार्यक्रम ऐ। एहदे अलावा ओह होरनें वरिष्ठ नेताएं ते भारती समुदास दे सदस्ये कन्नै बी मलापी करडन। ध्यानजोग ऐ जे भारत दी महासागर ते अपने गवां गी तरजीह देने आहले नजरिये च श्रीलंका इक मुख भ्याल देशद ऐ। उपराश्ट्रपति हुं' दे इस दौरें दे कन्नै दौनें मुखे दे लोके बशकार सरबंधे ते सांस्कृतिक रिश्ते गी मजबूत करने च बी मदाद हासल होग।

<><><><><><>

Iran US Hormuz

ईरान ने आखेआ ऐ जे जिसलै धोड़ी ईरानी बंदरगाहें थमां अमरीकी नाकेबंदी नेई हआई जंदी, तदुं धोड़ी होर्मुज जलमरूमध्य बंद रौहग। इस्लामिक रिवोल्यूशनरी गार्ड कॉर्प्स (आईआरजीसी) ने अमरीका आसेआ जारी नाकेबंदी गी युद्धविराम दिएं शर्ते दी उल्लंघना करार दिता ते चेतावनी दिती जे जलमरूमध्य दे कोल औने आहले कुसै बी जहाज गी दुश्मन मन्नेआ जाहग ते उसी निशाना बनाया जाई सकदा ऐ। एह हालात जंदे शुक्रवारें जलमरूमध्य गी आरजी तौर पर परतिये खोले जाने दे बाद बने न। हालांकि, अमरीकी राष्ट्रपति डॉनल्ड ट्रंप होरें आखेआ ऐ जे ईरान दे कन्नै सबनें मुद्दे दा पूरा हल कड़ी लैते जाने तगर नौसैनिक नाकेबंदी लागू रौहग। तोआई, जलमरूमध्य च गोलीबारी दी घाणाएं दी बी खबरां न, जिं' दे च किश कारोबारी जहाजें गी नुकसान पुज्जा ऐ।

युद्धविराम दे बावजूद खिते च तनोतनी बनी दी ऐ ते हालात गी बिगड़ने थमां
रोकने आस्तै कूनीतिक जतन बरोबर जारी न।

<><><><><><>

FM-Iran

भारत ने कल होर्मुज जलमरूमध्य च भारती झां आहले द'उं जहाजें पर होई
दी गोलीबारी दी घना पर पूंहगी चैंता व्यक्त कीती ऐ। नमीं दिल्ली च कल
संझां बदेश सचिव विक्रम मिसरी होरें ईरान दे राजदूत षॉ. मोहम्मद फतहली
हुंदे कन्नै बैठक दे दरान इस घना पर भारत दी गैह्री चैंता व्यक्त कीती। उ'नें
बपारिक जहाजें ते नाविकें दी सुरक्षा दी चर्चा करदे होई आखेआ जे ईरान ने
पैहले बी भारत जाने आहले केई जहाजें गी सुरक्षित लंगघने दा रस्ता दिता हा।
बपारिक जहाजें पर गोलीबारी दी इस गंभीर घना पर अपनी चैंता दोहरांदे होई,
बदेश सचिव होरें ईरानी राजदूत होरें' गी गुजारश कीती जे ओह ईरान दे
अधिकारियें गी भारत दे बचार दस्सन ते जलमरूमध्य थमां भारत जाने आहले
जहाजें गी सुविधा प्रदान करने दी प्रक्रिया गी तौले शा तौले परतियै शुरू कीता
जा।

<><><><><><>

North-Korea

दक्खन कोरिया ने अज्ज आखेआ ऐ जे उत्तर कोरिया ने अपने पूर्वी जलक्षेत्र
आहली बक्खी केई बैलिस्िक मिसाइलां दागियां न। दक्खन कोरिया दे ज्वाइं

चीफ्स ऑफ स्टाफ ने दस्सेआ जे एह प्रक्षेपण बड़लै उत्तर कोरिया दे पूर्वी सिनपो इलाके थमां कीते गे। उ'नें दस्सेआ जे दक्खन कोरिया ने अपनी निगरानी गी होर मजबूत करी दिता ऐ ते अमरीका ते जापान देक न्ने लगातार जानकारी सांझी कीती जा'रदी ऐ। तोआई, जपान दे रक्षा मंत्रालय ने बी तसदीक कीती ऐ जे उत्तर कोरिया ने इक संदिग्ध बैलिस्टिक मिसाइल दा प्रक्षेपण कीता ऐ।

<><><><><><>

Gangotri-Yamunotri

उत्तराखण्ड च अक्षय तृतीया दे शुभ मौके उपपर उत्तरकाशी जिले च स्थित श्री गंगोत्री ते यमुनोत्री धाम दे कपा श्रद्धालुएं लेई अज्ज खुल्ली जाडन। साढ़े संवाददाता दे मताबक गंगोत्री च दपैही सवा 12 बजे ते यमुनोत्री च दोपहर 12 बज्जियै 35एं मिनट पर कपा खोले जाडन। एहदे कन्नै गै राज्य च चार धाम जातरा दा औपचारिक शुभारंभ होई जाहग।

<><><><><><>

IPL

आईपीएल क्रिके च, सनराइजर्स हैदराबाद ने कल रातीं चेन्नई सुपर किंग्स गी 10 रन्जें कन्नै हराई दिता। पैहले बल्लेबाजी करदे होई, सनराइजर्स हैदराबाद ने अपने तय 20एं ओवरें च 194 रन्ज बनाए। जेहदे च अभिषेक शर्मा ते हेनरिक क्लासेन ने 59-59 रन्जें दिआं पारियां खेड़ियां। चेन्नई लेई

अंशुल कंबोज ते जेमी ओवरन ने 3-3 विकेटों लैतियां। परते च, चेन्नई सुपर किंग्स 20 ओवरें च 8 विकेटों पर छड़े 184 रनज बनाई सकी। हैदराबाद लेई ईशान मलिंगा ने 3 विकेट लैते, जिसलै के नीतीश कुमार रेड्डी ने 2 विकेटों हासल कीतीआं। । ईशान मलिंगा गी प्लेयर ऑफ द मैच चुनेआ गेआ। एहदे शा पैहले होए दे इक मुकाबले च, दिल्ली कैपिटल्स ने रॉयल चैलेंजर्स बेंगलुरु गी 6एं विकेटों कन्नै हराई दिता। 176 रनजें दे लक्ष्य दा पिच्छा करदे होई, दिल्ली ने इक गेंद बाकी रौहदे 6एं विकेटों पर 179 रनज बनाए। अज्ज, कोलकाता नाइट राइडर्स ते राजस्थान रॉयल्स दे बश्कार मुकाबला दपैही साइं 3 बजे थमां होगा, उत्थे गै दुए मुकाबले च पंजाब किंग्स ते लखनऊ सुपर जायंट्स सं'झा'लै साइं 7 बजे आमने-सामने होडन।

<><><><><><>